

## **FAQ PLACHI DI NUMBER NOBO**

### Departamentu di finansa

Entidat Públiko Boneiru tin plachi di number nobo. Aki bou tin un resúmen di e preguntanan ku hendenan ta hasi mas tantu biaha (frequently asked questions - faq).

#### **Dikon nos ta haña plachi di number nobo?**

Segun artíkulo 12.1 i 12.2 di Ordenansa di Impuesto di Vehíkulo di Motor Boneiru 2011, Kolegio Ehekutivo ta stipulá kuantu tempu un plachi di number ta bálido. Asina ku Kolegio Ehekutivo disidí pa remplasá un plachi di number, ta remplasá esaki.

#### **Ta obligatorio pa bai buska un plachi di number nobo?**

Si. Bo ta obligá di remplasá Bo plachi di number bieu ku esun nobo.

#### **Mi mester entregá e plachi di number bieu?**

Nò, Bo por keda ku esakinan. Si Bo ke, Bo por entregá esakinan na departamentu di finansa.

#### **Ki dia mi por bai buska mi plachi di number nobo?**

Traha un sita promé ku 30 di sèptèmber pa kambia bo plachi number. Na final di e sita por pasa tuma e plachi di number nobo mes ora.

#### **Mi por traha un sita pa pasa buska mi plachi di number nobo?**

Si. Mester traha un sita promé ku 30 di sèptèmber pa pasa buska Bo plachi di number nobo.

#### **Kon mi ta traha un sita pa pasa buska mi plachi di number?**

Pa traha un sita Bo mester tuma kontakto ku departamentu di finansa via Whatsapp 7705330 òf telefòn 7175330 ekstenshon 2637. Bo por manda un imeil tambe pa traha un sita via [belasting-olb@bonairegov.com](mailto:belasting-olb@bonairegov.com).

#### **Mi por pasa buska mi plachi di number den wikènt tambe?**

Nò. Solamente riba dianan di trabounan Bo por pasa buska Bo plachi di number nobo.

#### **Na unda mi por pasa buska mi plachi di number nobo?**

Esei por na departamentu di finansa na J.A. Abraham Boulevard 27.

#### **Kua ta e orarionan ku mi por pasa buska mi plachi di number?**

Esei por entre 8'or di mainta te 12'or di merdia. I entre 2'or di atardi te 4.30'or di atardi.

#### **Kiko ta pasa si mi no bai buska mi plachi di number?**

Bo plachi di number bieu ta kaduká despues di 1 di desèmber. E ora ei e no ta bálido mas. Por lo tantu nos por bolbe emití e number di Bo plachi di number bieu. Polis por para Bo



tambe si despues di 1 di desèmber bo ta kore rònt ku un plachi di number bieu. E ora ei Bo por haña un but di \$ 2.800,-- (artíkulo 18, Ordenansa di Impuesto di Vehíkulo di Motor Boneiru 2011).

#### **Kiko mi tin ku bai kuné ora mi bai buska mi plachi di number nobo?**

1. Un prueba di identidat bálido.
2. Empresanan mester bai ku un ekstrakto di Kámara di Komèrsio.
3. Prueba di pago di e anslag di impuesto di vehíkulo di motor 2019
4. Prueba di pago di Bo plachi di number nobo.
5. Un prueba di seguro bálido di Bo outo.

#### **Kiko ta konta komo un prueba bálido di identidat?**

Un prueba di identidat bálido por ta un sédula, pasport òf reibeweis.

#### **Mi no a risibí un anslag di impuesto di vehíkulo di motor 2019. Kiko awor?**

Bo por pasa buska un duplikado di Bo anslag di impuesto di vehíkulo di motor na departamentu di finansa.

#### **Na aña 2017 i/òf 2018, 2019 mi no a paga impuesto di vehíkulo di motor.**

Bo mester a paga impuesto di vehíkulo di motor di 2019 i e añanan anterior pa por pasa buska Bo plachi di number. Si Bo no a paga impuesto di vehíkulo di motor, Bo no por haña plachi di number nobo.

#### **Kuantu e plachi di number nobo ta kosta?**

E plachi di number nobo ta kosta \$ 8,40. Plachi di number ku number di MF ta kosta \$ 5,60.

#### **Mi a paga kaba pa plachi di number e aña aki.**

E gastunan pa e plachi di number ta konta pa tur plachi di number nobo. Si Bo a paga kaba i Bo tin un plachi di number bieu, e ora ei tòg Bo tin ku paga pa e plachi di number nobo.

#### **Na unda i kon mi por paga e plachi di number nobo?**

Bo por paga Bo plachi di number nobo via internèt òf via Bo banko mes. Bo por depositá e suma 'online' riba e siguiente numbernan di kuenta di banko:

- MCB 40291708.
- RBC 8400000180872997
- ORCO BANK 7601000195
- Banco di Caribe 30638802

Komo deskripshon Bo ta nota e referensia di pago di Bo anslag di impuesto di vehíkulo di motor 2019. No lubidá di prent Bo prueba di pago!

#### **Na unda mi por mira e referensia di pago?**

E referensia di pago di Bo anslag di impuesto di vehíkulo di motor ta den huki na man drechi parti ariba di Bo anslag.

#### **Di kiko e referensia di pago ta konsistí?**

E referensia di pago di Bo anslag di impuesto di vehíkulo di motor ta un number ku ta konsistí di: Bo number di 'crib', 01, e aña i e number riba Bo plachi di number. Por ehèmpel pa aña 2019: 123456789/0119B1122.



### **Mi por paga mi plachi di number kèsh tambe na departamentu di finansa?**

Nò, esei no por. Bo por paga Bo plachi di number nobo solamente via internèt òf via bo banko.

### **Mi outo no ta sigurá.**

Un outo ku no ta sigurá no ta haña plachi di number nobo. Bo tin ku sigurá Bo outo promé. Bo tin ku bai ku un prueba di seguro bálido pa por tuma Bo plachi di number.

### **Mi mes no por pasa buska mi plachi di number.**

Si Bo mes no por pasa buska Bo plachi di number na luna di yùni, e ora ei Bo por apoderá un hende pa pasa buska Bo plachi di number na Bo nòmber.

### **Mi tin un apoderashon pa pasa buska un plachi di number. Kiko mi tin ku bai kuné?**

Bo mester trese e siguiente dokumentunan si Bo ta bai pasa buska plachi di number pa un otro hende.

1. Kopia di un prueba di identidat bálido di doño di e plachi di number.
2. Prueba di identidat bálido.
3. Empresanan mester trese un ekstrakto di Kámara di Komèrsio.
4. Prueba di pago di e anslag di impuesto di vehíkulo di motor 2019.
5. Prueba di pago di e plachi di number nobo.
6. Prueba di seguro bálido di Bo outo.
7. Un formulario di apoderashon pa plachi di number nobo kompletamente yená i firmá.

### **Na unda mi por haña e formulario di apoderashon pa plachi di number nobo?**

Bo por:

- ‘download’ e formulario di apoderashon for di nos wèpsait [www.bonairegov.com/nl/downloads](http://www.bonairegov.com/nl/downloads);
- pasa buska e formulario di apoderashon na departamentu di finansa;
- manda un imeil na [info@bonairegov.com](mailto:info@bonairegov.com) pa pidi e formulario di apoderashon.

### **Mi ta biba den eksterior i mi tin un outo na Boneiru.**

Si Bo ta biba den eksterior, Bo por manda un Whatsapp of imeil pa departamentu di finansa pa traha un sita. Bo por manda un Whatsapp via +5997705330 òf un imeil via [belasting-olb@bonairegov.com](mailto:belasting-olb@bonairegov.com). Tambe bo por duna un otro hende pèmit pa pasa buska e plachi di number na Bo nòmber.

### **Mi por manda mi dokumentunan adelantá via imeil pa departamentu di finansa?**

Nò. Bo no por manda Bo dokumentunan adelantá via imeil pa departamentu di finansa. Ora Bo bai pasa buska Bo plachi di number Bo mester bai ku Bo dokumentunan original.